

GZ.: Sarajewo-ÖB/KULT/0229/2017

Sarajevo, 17. nov. 2017. god.

Rektorat Univerziteta u Banjoj Luci

Poštovane dame i gospodo!

Uz izraze poštovanja Univerzitetu u Banjoj Luci, Austrijska ambasada u Bosni i Hercegovini ima čast dostaviti informaciju o studijskim programima i kursevima Diplomatske akademije Beč za akademsku 2018/19. godinu:

- 1) 55. diplomski studijski program: jednogodišnji studijski program sa širokim interdisciplinarnim obrazovanjem u oblasti međunarodnih odnosa za osobe sa univerzitetskom diplomom, neovisno od studijskog usmjerenja. Težište ovog programa je na upoznavanju struktura i politika Evropske unije. Naročit profil ovog studijskog programa obilježen je učenjem praktičnih vještina (tehnika prezentacije i pregovaranja, retorika, projektni menadžment, itd), intenzivnim programom jezičkog obrazovanja i višejezične nastave (njemački, engleski i francuski).
- 2) 23. M.A.I.S. – studijski program (Master of Advanced International Studies): dvogodišnji master-program sa težištem na Evropi. Kandidatkinje i kandidati koji već raspolažu dostatnim interdisciplinarnim akademskim obrazovanjem u oblasti međunarodnih odnosa, mogu biti primljeni izravno u drugu godinu. Ovaj studijski program realizira se u suradnji sa Univerzitetom Beč.
- 3) 12. E.T.I.A. – studijski program (Master in Environmental Technology & International Affairs): dvogodišnji MSc-program u suradnji sa Tehničkim univerzitetom Beč. Polaznici ovog studijskog programa će se upoznati kako sa političkom, privrednom i pravnom pozadinom (1. godina na Diplomatskoj akademiji), tako i sa naučno-tehničkim aspektima međunarodnih pitanja vezanih za okoliš (2. godina na Tehničkom univerzitetu).
- 4) Ljetni kurs za njemački jezik i kulturu i civilizaciju Austrije: intenzivna nastava njemačkog jezika za sve nivoe znanja jezika, sa ekskurzijama i radionicama o austrijskoj politici, historiji i kulturi.

Dodatne informacije o ponudi Diplomatske akademije Beč, informacije o načinu apliciranja za određene studijske programe, te formulari za prijavu se mogu preuzeti sa web-stranice Akademije: [www.da-vienna.ac.at](http://www.da-vienna.ac.at)

Diplomatska akademija Beč dodjeljuje i ograničen broj stipendija i pomaže u posredovanju za studentske kredite. Mogućnosti za podršku variraju od programa do programa. Za prikladne kandidatkinje/kandidate iz Bosne i Hercegovine na raspolaganju stoje i posebne stipendije ADA-e (Austrian Development Agency). Za detaljne informacije potencijalne kandidatkinje/kandidati se mogu obratiti Diplomatskoj akademiji Beč.

U prilogu se dostavlja plakat Diplomatske akademije Beč i brošura o navedenim studijskim programima i kursevima uz molbu, da se isti izlože na vidno mjesto, na pažnju mogućim interesentima, odnosno da se ova informacija proslijedi potencijalnim kandidatkinjama/kandidatima.

S osobitim uvažavanjem



Mag. Martin Pammer  
Ambasador